

## Kapitali 8. PEQQISSAASUTUT SULISINNAATITAA-NERMUT AKUERSISSUTIT

”Peqqissaasut sulisinnaatitaanerat sulinerallu pillugit Inatsisartut peqqussutaat 30. okt. 1995-imeersoq” akuersissutigineqarmat Kalaallit Nunaanni peqqissaasunut akuersissut 1. januar 1996-imi atortuulersinneqarpoq.

Peqqussut malillugu Kalaallit Nunaanni peqqissaasut qallunaat sulisinnaanissamut akuersissutaannut naleqqiullugu arlalitsigut piginnaatitaanerullutillu pisussaataitaanerulerput. Tamanna pisariaqarpoq Kalaallit Nunaanni peqqinnissaqarfinni arlaqaqisuni nammieernerullutik sulisarmata ilaatigullu nakorsat suliassaarlugit sumiiffinni ataasiakkaani suliassiissuteqartarneq tunngavigalugu. Taamaattumik peqqissaasut Kalaallit Nunaannisut sulisinnaanissamut akuersissuteqartut kisimik Kalaallit Nunaanni peqqissaasutut sulisinnaassapput. Avannaamioqatigiit isumaqatigiissutaat naapertorlugu Avannaanni peqqissaasutut ilinniarsimasut qinnuteqarnermikkut Kalaallit Nunaanni akuersissummik pissarsisinnaapput. Peqqissaasut nunani allaneersut aamma Kalaallit Nunaanni akuersissummik pissarsisinnaapput ilinniagaqarnerat kalaallit ilinniagaqarnerannut nallersuuttutut nalilerneqarpat.

Kalaallit Nunaanni peqqissaasutut atorfiit 300-t sinnilaarpat sulisinnaatitaanermullu akuersissuteqartarnerit amerlaqisut sivikitsuinnarmik atorfeqartoqartarneranut takussutissaapput. Ataavartumik sulisoqannginneq Peqqinnissaqarfiup neqeroorutaasa pitsaassusaannut sunniuteqarnerluttarpoq. Tamanna napparsimasunit ajornartorsiutitut isigineqarpoq, atorfeqavissunullu annertuumik nammakkiisuulluni.

Takussutissiaq 23	Peqqissaasut akuersissutillit		Taakkunanga Kalaallit Nunaanni ilinniarsimasut	
	Katillugit	Ukiunut 5 agguaqatigiissillugit	Katillugit	Ukiunut 5 agguaqatigiissillugit
1996 - 2000	367	73,4	36	7,2
2001 - 2005	1067	213,4	26	5,2
2006	222		2	
2007	253		8	
2008	237		8	
Tamakkerlugit	2146		80	